

**ცივილიზებული მსოფლიოს ერთიანი საფინანსო
პოლიტიკა რუსეთის უკრაინაში სამხედრო
აგრესიის დროს**

DOI:10.36962/ECS105/8-10/2023-199

ვარლამ რამიშვილი
ეკონომიკის დოქტორი
სტუ ასოცირებული პროფესორი,
ramishvilivarlami11@gtu.ge

რეზიუმე

დღევანდელი მსოფლიოს უდიდეს პრობლემად ყალიბდება რუსეთის ღია იმპერიალისტური სამხედრო აგრესია უკრაინაში, საქართველოში, მოლდოვაში და ცუდი პერსპექტივით მთელ მსოფლიოში. მათი ფაშისტური (რაშისტული) ზრახვა მოიყვანონ სისრულეში ცივილიზებული სამყაროს უპირველეს გამოწვევად გვევლინება ან მოგვევლინება უახლოეს პერიოდში. რომელიმე ერთი სახელმწიფო ეუღლად გაუმკლავდეს ამ პრობლემას პრაქტიკულად თითქმის შეუძლებელია. რუსეთის მცდელობისა, მოახდინოს რიგ სახელმწიფოებში პროვინციული ნაციონალიზმის შეტანა და მოახდინოს ფართო მასების დეზინფორმირება, რათა დაქსაქსოს მსოფლიო თითოეულ სახელმწიფოდ და მიყოლებით მოახდინოს შესაძლებლობიდან გამომდინარე ნაწილ-ნაწილ ყოველივეს ანექსია. ერთადერთი გამოსავალია ერთიანი მყარი, კოორდინირებული ქმედება ცივილიზებული სამყაროს მხრიდან მილიტარიზებული, აგრესიული რუსეთის მიმართ. ამ პრობლემის ერთ-ერთ ამოცანად მიჩნეულია დასავლეთის ქვეყნების და მათთან დაახლოებული ქვეყნების ერთიანი საფინანსო პოლიტიკის წარმართვა, პირველ რიგში, ერთიანი საგადასახადო პოლიტიკის შექმნით.

საკვანძო სიტყვები: ერთიანი საფინანსო პოლიტიკა, ტოტალური მილიტარიზმი, ანექსია.

ძირითადი ტექსტი

დღეს ქვეყნებს ერთმანეთისაგან დამოუკიდებლად თავიანთი ფისკალური პოლიტიკა გააჩნიათ, ისინი რაღაც შიდა ინტერესების დაცვითაა შემოფარგლული. თუმცა არის გამონაკლისებიც, მაგალითად, ამერიკის და ინგლისის საფინანსო-საგადასახადო პოლიტიკა ხარჯების ნაწილში მოიცავს პროგრესირებადი, თავისუფლებისათვის მებრძოლი ქვეყნების დახმარებას. ასევე არის რიგი ქვეყნების სპონტანური თუ სისტემატური დახმარება უკრაინისადმი, რაც მისასალმებელია, მაგრამ არა საკმარისი. ჯერჯერობით ომი ოფიციალურად არგამოცხადებული ომის და მხოლოდ ცივი ომის პირობებში მიმდინარეობს და როდის მიიღებს კიდევ უფრო აქტიურ ფაზას არავინ იცის. არადა ეს ომი მსოფლიო ცივილიზაციას განადგურებით ემუქრება, ამ ომის გამარჯვებისათვის ნებისმიერი სხვა პოლიტიკური თუ ეკონომიკური მიზნები უკან უნდა გადავდოთ და არა მარტო ცალკეული ქვეყნების დახმარებით, არამედ დასავლეთის და მასთან ასოცირებული ერთიანი კოორდინირებული ფისკალური პოლიტიკა გასატარებელი. ამისათვის საჭიროა გლობალური მონეტარული პოლიტიკიდან ცივილიზებული ქვეყნების ერთიან საფინანსო-ფისკალური პოლიტიკაზე გადასვლა, რომლის უმთავრესი და ერთადერთი მისია უნდა იყოს რუსეთთან და მისი მოკავშირეებთან ომის გამარჯვება. ამ მისიის შესასრულებლად სამი მთავარი მიზანი უნდა ისახებოდეს დასავლეთის სახელმწიფოებისათვის:

პირველი, ისეთი საგადასახადო პოლიტიკის წარმოება, რომ მაქსიმალურად ოპტიმალური იქნება ტოტალურ მილიტარიზმზე მსოფლიო ეკონომიკის გადაყვანა; მეორე, მილიტარიზმის პირობებში საბანკო სექტორის და სხვა ფინანსური რიჩაგების სტაბილური მართვა, რათა თავიდან ავიცილოთ ინფლაცია, საფინანსო სექტორის გაკოტრება და მსგავსი პრობლემები;

მესამე, კოორდინირებული მართვის დროს ქვეყნების სეგმენტაცია კონკრეტული ამოცანების შესასრულებლად. თითოეული სახელმწიფოს პრაქტიკული ეკონომიკური პოტენციალის განსაზღვრა და მათი ეფექტური გამოყენება.

რიგი სახელმწიფოები სხვადასხვა წამახალისებელ ღონისძიებას ახდენენ თავიანთი ქვეყნების ეკონომიკაზე, არის შემთხვევები როცა აგრესიული და მათი მოკავშირე ქვეყნების იურიდიულ და ფიზიკურ პირებთან თანამშრომლობით მოკლევადიან პერიოდში მოგებას იღებენ. რატომღაც ვერ აცნობიერებენ რუსეთის გამარჯვების შემთხვევაში არა მხოლოდ რიგი სახელმწიფოები შეწყვეტენ არსებობას, არამედ ათობით, თუნდაც ასობით ერი გადაშენდება უკვალოდ, ამასთან სულ სხვა ეკონომიკურ ფორმაციას მივიღებთ, რომელიც აშკარად ძალადობაზე იქნება დამყარებული. ამ პრობლემის გადასაჭრელად უდიდეს როლს თამაშობს ეკონომიკა და სანამ რუსული აგრესიაა, მანამ გაუმართლებელია ქვეყნების სახელმწიფო ეკონომიკების დამოუკიდებლად მართვა, საჭიროა ერთიანი კოორდინირებული სისტემის მიღება. ეს არ უნდა შემოიფარგლებოდეს ევროკავშირით, ნატოს ქვეყნებით, მდიდარი თუ ღარიბი ქვეყნებით. ამასთან არავითარი ნეიტრალური სახელმწიფო არ არსებობს, ყველა ფინანსური ხვრელი ამოიქოლოს. სახელმწიფო ეკონომიკის ერთ-ერთი მთავარი იარაღია საგადასახადო პოლიტიკა. მაქსიმალურად უნდა შემცირდეს მინიმუმამდე საგადასახადო შეღავათები, ეკონომიკური წახალისება მხოლოდ საგადასახადო შემოსავლების ოპტიმიზაციის მიზნით უნდა დარჩეს. უარი უნდა ეთქვას რეგრესული ან აკორდული საგადასახადო სისტემებს, სანამ რუსეთის აგრესიაა მანამ ცივილიზებული მსოფლიო ეკონომიკა უნდა გადავიდეს აბსოლიტურად პროგრესულ საგადასახადო სისტემაზე საგადასახადო შემოსავლების მაქსიმალური ოპტიმიზაციის მიზნით.

მსოფლიოში ეკონომიკური რესურსები შეზღუდულია, შესაბამისად შეზღუდულია ფინანსური რესურსებიც. კლასიკურად რიგი ქვეყნები იარაღის და კარაქის წარმოების წინაშე დგანან. რუსეთი თავისი დამყრობლური ზრახვების განსახორციელებლად იარაღზე აკეთებს აშკარა უპირატესობას, შესაბამისად მათი ეკონომიკა წარმოების დეფიციტს განიცდის, რასაც ფასების ზდა მოსდევს, ანალოგიურ სიტუაციაშია სხვა რაშისტული ქვეყნების მომხრეებიც. აუცილებელია მკაცრი გათვლებით და-

წესდეს ის ზედა ზღვარი, სადაც იარაღის წარმოება რა დონემდე შეიძლება გაიზარდოს კარაქის ხარჯზე, რათა თავიდან აცილებული იქნას ინფლაცია, ბანკების გაკოტრება და სხვა ნეგატივები.

ზემოთჩამოთვლილი პრობლემების მოსაგვარებლად მიმაჩნია, რომ უნდა შეიქმნას ცივილიზებული ქვეყნების ეთიანი საფინანსო-საკოორდინაციო ორგანიზაცია, სადაც ყველა ამ სახელმწიფოებიდან მაქსიმალურად მიღებული იქნას მაქსიმალურად შემოსავლების ოპტიმიზაცია მილიტარიზაციისათვის, ამასთან ინფლაციის და სხვა ეკონომიკური ნეგატივების მკაცრი კონტროლით. ორგანიზაციას უნდა შეეძლოს რიგი ქვეყნის საფინანსო და საგადასახადო დაგეგმვის, ორგანიზაციის და კონტროლის უფლება. ეს არა მხოლოდ გაზრდის საგადასახადო შემოსავლების ოდენობას, არამედ შეამცირებს მონაწილე ქვეყნებში კორუფციას, ნეპოტიზმს, ბიუროკრატიების უსამართლობას.

ამრიგად, ბრძოლა რუსეთის აგრესიასთან ეკონომიკურ ჭრილში გამოსავლად მიმაჩნია ცივილიზებული ქვეყნების ერთიანი საფინანსო საკოორდინაციო ორგანიზაცია ზემოთნახსენები პირობებით ისე რომ სხვა რუსეთის მომხრე ან ნეიტრალური ქვეყნები მაქსიმალურად დაინსტანცირდეს და დასაქცინერდეს.

THE UNIFIED FINANCIAL POLICY OF THE CIVILIZED WORLD DURING RUSSIA'S MILITARY AGGRESSION IN UKRAINE

Varlam Ramishvili

PhD, Associate Professor of GTU
ramishvilivarlami11@gtu.ge

RESUME

Russia's aggression towards Ukraine, Georgia and the whole world is not only a military-war problem, but also a problem for the financial-tax policy of the world. Individual countries alone cannot address this problem effectively. Instead, the unified financial policy of the civilized world is required to tackle with Russia's military aggression in Ukraine, which will be oriented not only to protect the interests of one country, but also to protect the existing world civilization, which is threatened with serious destruction by the above-mentioned aggression in the long term.

Keywords: Unified Financial Policy, Total Militarism, Annexation.